

女塞鼎志抄



安塞縣志目錄

地理志

建置

分野

形勝

疆域

城池

門禁

堡墩

山川

古蹟

風俗

宮室志

縣治

倉廩

牌坊

祠廟

郵亭

舖舍

演武

養濟院

陵墓

義塚

學校志

文廟

儒學

義學

社學

安塞縣志目錄

壇壝志

西壇

南壇

北壇

先農壇

藉田

關梁志

關口

橋梁

田賦志

田賦

戶口

里甲

鹽稅

課稅

兵制

驛遞

物產

職官志

名宦

邑令

邑博

邑尉

流寓

人物志

鄉賢

徵辟

科目

明經

守將

寓將

將才

武科

例監

孝行

方正

節烈

災異志

蝗蟲

大水

夏旱

大饑

赤風

雨土

地震

水災

天鳴

藝文志

奏疏

雜著

縣志

縣志

縣志

縣志

縣志

縣志

縣志

縣志

安塞縣志

地理志

建置沿革

邑令倪嘉

謙手抄



安塞縣古朔方東北地禹貢雍州之域春秋時白狄居焉秦為高奴郡項羽三分關中立董翳為翟王王上郡都高奴漢仍秦名後魏為廣樂縣隋曰金明縣唐建北武州宋更為安塞縣元名敷政縣合為一仍宋名隸彰武洪武二年定全秦仍為安塞縣隸延

安府

皇清定鼎邑名沿革

分野

漢書地理志曰自井十度至柳三度爲鶉首於辰在未是爲延之分野

形勝

安塞東依天澤西亘大河萬山環峙二水縈流南逼烏延北連沙漠幅幘廣僻寧夏咽喉

疆域

縣境東西相距二百二十里南北相距一百八十里延袤約四百餘里

四至

東至安定縣界一百二十里西至保安縣界八十里北至鎮靖堡界一百八十里南至膚施縣界十五里

城池

邑城本秦漢故地週圍四里高二丈四尺明弘治嘉靖間因城北水患邑令韓震韓弼相繼移北就南規模悉做舊制民獲安堵崇禎壬申譚寇陷城據守時

洪承疇爲總督率總兵官王承恩等屯攻月餘用火
炮衝擊掘開南門一面崇禎丁丑邑令彭堯昇督工
脩補嗣復兵荒洊至河水爲災城北數十丈石堤崩
塌無遺民廬覆沒北角一帶已蕩爲澤國矣

門禁

縣城建南西北三門南門舊面西民頗饒裕而文教
不興萬曆壬子子廊倅范有志掌邑篆旋塞之改建於
左面正南午地是年中一榜二人至康熙癸未邑令
謝旻仍開舊南門而正南門復閉焉北門面東順治
十六年大水衝門關折二門扇飄至中衢西門面南
兵火後久錮焉

堡砦

邑境內舊建堡凡七

招安城堡 宋狄青築

龍安城堡

萬安城堡 以上三堡僅存遺址

塞門砦堡 宋爲砦明置驛今革除城垣屹然

西縣堡 即敷政縣故基明置巡檢一員久奉裁革今遺蹟尚存

新興堡

在邑西南一百五十里宋屯兵禦夏人處

藩延堡

在邑南一百里即青州城故址

墩臺

邑境內舊設墩臺四十九處

雖各傾圮遺址猶存

山川

天澤山邑城東一名金龍山嶙峋挺峙遠瞰清流南
建龍頭觀祠真武三月三日邑之士民遊覽於茲
石峰山邑城北五里一峰孤峙二水環遶勢如削成
相傳自沙漠飛來上建雲臺觀祠真武頂懸玉皇石

閣四神洞下刊呂純陽真像山傍悉植桃樹春盡夏
初滿山紅艷邑士大夫往往游息題詠

鳳凰山邑城南形若舞鳳

摩雲山距城六十里巉巖高聳直逼雲霞

椒蒿山距城百里時有雲氣掘地多蝮蛇

三堆山在敷政縣境內

青山幽谷清絕石磴盤紆高峰聳峙中多石洞邑人
避跡之所

鳳頭山邑西五十里

白晝山邑西五十里

延水源出蘆關谷南流抵縣北城下其勢洶湧奔鳳凰山合西川水

西川水源出保安縣牛頭坡逕合延水

洛河源出安邊堡距堡二十里地曰井鬼畔流經保安縣境抵敷政城下東過甘泉廊坊過白水縣境東流入黃河

塞邑原有翟河一道接通延水但溪流山澗消長無時秋冬水淺往來居民褰裳可涉至春夏間延源水

泛會集山流水勢汪洋無從蓄洩然向從縣北五里之石峰山東沿山而至縣城之西南直下城保無虞乃日久沙漲河日改趨城北以至舊築城外石堤及北面城垣均被冲塌順趨南瀉河身已據建瓴之勢如及今不早議改邑竊恐改河築壩均非久遠之計矣

塞邑田地多在山巔嶺畔土性不宜秧田是以無資水利惟每遇霖雨水不能洩常多泛漲之虞兼有崩塌之患

古蹟

翟王泉邑城外天澤山上以董翳所鑿取名土老相傳此水甚大出則衝城今窒之

惠民井城內天澤山均砌石層次而下晝常暝晦而水泉清潔足供百家之用

均夢寺邑城西石鳳山上尸毘佛剎肉啖鷹救鴿鵠飛止此因造寺與本郡清涼寺並建今寺毀石像寶塔碑記猶存

舐目泉距邑西十五里元孝子王恩聰舐其母目水甚清冽傍有寺名湧泉

石門在邑西三十里兩石對峙如門

桃花仙掌在敷政故城東相傳冬月谷中有桃花流出

仙人橋距城六十里俗傳仙人所築今行者踐之有餘響鏗然

雙蝦石俗傳昔二蝦為祟秦王過而斬之化為石劍痕矢跡尚存

聖人條秦始皇望陰山過其地驅十萬衆脩之塹山

堽谷迄今坦然周行

高奴城距縣八十五里倚山爲城土人往往掘地得銅鐵石鑿飲馬故道尚存

馬超洞馬超鑿深不可測

青州城距縣百餘里馬超築遺址尚在

艾蒿街距城八十里呂布故里

邊牆距邑城北五里牆倚山臨河石砌一門題曰上

郡咽喉隆慶二年邑令王尚賢建今圮

楊六郎牽馬巷在敷政城境內

望路臺距城一百五十里秦始皇望陰山處

洗心泉距城西四十里山麓湧出清湛可鑿鬚眉泉

左邑人韓一識建洗心精舍今圮

花庄在敷政城境舊日牡丹滿山傳云杜甫遊植

薛仁貴洞懸巖削成牖戶疏豁相傳洞內有仁貴遺

骨

墨台山色如墨不可耕作

金牛太子窟石像彷彿碑刻半存

金明砦倚金龍山爲之嵯有石刻金明砦三字

卧牛城在邑北川接鎮靖界形若卧牛
鐵角城距卧牛城不遠

風俗

質朴少文信神尚巫力本務農坦率愚耿不事欺詐
有幽岐遺化焉商賈自鹽販之外別無他營所嫌民
情率安愚情克自振拔者甚稀

宮室志

縣治

縣治當城中東偏歷代故基也自元至正間肇脩洪
武中增其式廓嘉靖隆慶萬曆間邑令韓弼王尚賢
方盡美等相繼脩飾煥然美備崇禎壬申寇兵焚毀
堂廡倉廩蕩然灰燼崇禎十四年邑令朱敏洎依故
三堂植基作舍三楹蒞民聽訟

皇清戊子邑令王瑤前加三楹匾曰五美堂更立東西房
二所以居吏胥衙舍殘缺非復前規迨後又數十年

雖不無重為脩建者而舊制竟無從可攷也茲於現制臚列於左

縣署前堂五楹

高潤甲於他邑邑令柏之著建脩

後堂三楹

內宅一所

大門 石砌壯觀上建譙樓三楹

儀門 東西角門

六房東西各十間 邑令謝旻創建邑令王名標重

請修建東隅更增建倉庫房二間

土地祠 在二門內東偏

捕廳三楹

內宅一所 在縣治西

獄一所 向設官山崖脚石窰偏仄內防範維艱縣令元楷移建縣署東隅

始制原有戎糧二廳各建官署明時裁汰二缺衙署兵火焚毀迄今年遠基址莫考外惟防汛外委一員僦居民舍

倉廩

舊倉一所 共四十三間在署東西兩旁

常平倉一所 共三十六間 雍正七年縣令王名標創
建三棟二椽 在城西街 乾隆七年縣令宋日建詳
間三棟二椽 三十四間 八年詳建五棟四椽二十七
俱環列縣署東西兩旁 九年又詳建五棟四椽九間

招安城社倉一所 六間

苗家店社倉一所 六間

下寺灣社倉一所 十二間

龍安社倉一所 十二間

雍正四五兩年奉發社倉銀六百五十兩採買社穀
四千四百三十六石做朱子社倉之法選立倉正副

專司出納雍正七年知縣王名標奉寧遠大將軍岳
奏請動支耗羨五分銀兩於四鄉分建社倉

牌坊

宮牆數仞坊 在文廟前

育材坊 在儒學公署西今毀

永護金湯坊 邑人爲城隍神建

承流坊 在縣治街西今毀

宣化坊 在縣治街東今毀

貞度坊 在察院門北今毀

亞元坊 天順已卯亞元宗珩建今毀

科第傳芳坊 延安府知府馬呈秀為天順已卯亞元

河東三令坊 宋珩萬曆戊戌進士宋之禎建

今毀 萬曆已卯邑令方盡美為大原知縣高

綸音三錫坊 邑令丁允中為大同府應州知州宋蒞

奕世名家坊 邑令趙之庠為邑人馬懋才登鄉薦建

百年名世坊 延安府知府楊夢熊為邑人馬懋才登

貞節坊 一在城隍廟西順治十三年為節婦高氏建

一在南關南街雍正五年為節婦宋氏立 一在南

關西街雍正六年為節婦劉氏立 一在南關東街

雍正六年為節婦李氏立 一在城內南街雍正七

祠廟

關夫子廟 在邑街東偏

萬壽寺 邑南郭倚山結宇危閣峻嶒一邑勝槩詞人

福嚴寺 游覽輒有題咏石洞懸巖中尤多石刻

大佛寺 距城六十里古柏蒼翠梵宇幽勝邑人昔常

寶山寺 讀書於此 土人云佛自地出一婦晨汲驚呼遂止

香林寺 寺多牡丹四月八日盡開游入詠賞

距縣一百二十里唐開元二年建山勢陡峻

石而出石為之拆人以鐵束之五六月間涼風逼人邑人昔曾讀書其上鐫其曲曰山之阿

金輪廟 武則天今廟毀遺址碑刻尚存元林北聚

順惠王廟 宋副將李顯忠清澗人顯神於元林北聚

赫

劍匣寺 距城五十里綠柳蒼翠古洞臨崖亦一幽勝

抵龍安界士人奏大蟒為害太宗射蟒化蛇入石罅

挽其尾化為劍缺刃接劍磨之石為之虧宋元祐建

寺元至正乙未修之

明弘治十五年重修

觀音閣 邑街北石洞峭峻將雨則石先潮其

曹家寺 在天澤山足未甯安塞

玉皇廟 碑獨存廟宇傾久

孫真人祠 在龍頭觀下邑令林

城隍廟 在邑街西

八蜡廟 在龍頭

文昌祠 舊在天澤山兵燹之後邑令孫

龍神廟 在大儒偕邑人士改建城南門

魁星閣 在天澤山上

-5 175 45 925" data-label="Text">

石宮寺 在縣西七十里

-55 175 105 925" data-label="Text">

丹霞觀 在縣西十五里元

-105 175 155 925" data-label="Text">

孝子王思聰故里

郵亭

君子堂

在邑城南門外堂廡寢室規模濶大垣墻崇

課士於此有碑
記今竟傾圮矣

舖舍

古者於郵驛外又設急遞舖每十里置一所誠恐公
事稽遲且期緩急有以固吾圉也塞邑各舖崩毀無
遺茲止西置招安北置龍安二舖以傳遞來往公文

演武亭

教場

在邑南門外迤西數十步豎演武亭一所石坊
一座週圍築墻今悉毀壞惟將臺一所石砌高

聳足壯威武
遺址尚存

養濟院

養濟院 在邑北門外今屋
舍悉毀移建南門

棲流所

棲流所 在邑南門外邑小民稀積年到配軍流黃夜
露宿易出為匪嘉謙捐建茲所安置此輩并
設甲首專司啟閉朝夕
防範近城頗稱寧謐

陵墓

赫連勃勃墓 城西一百三十里

韓孝子景陽墓 在邑西一里

叅議馬懋才墓 邑南十里

義塚

塚地一處 在西城門外

學校志

邑額文武科歲入學八名並無新增

文廟

廟自歷代以來在城東南偏止有正殿古柏森蔚規模壯麗元至正己丑縣尹劉秉實偕教諭蕭允中重脩始創東西八楹迨明成化十四年邑令李瓊偕教諭邊容益加營繕萬曆八年邑令方盡美復脩之十四年丁允中崇禎元年掌縣本府同知周承恩偕邑令韓嘉棟相繼脩治順治十二年知縣郭聯訓導任基田重脩康熙十八年知縣馬震訓導高賢重脩

三十三年知縣張起鵬訓導杜世芳重脩四十九年知縣朱瀟重脩悉刻石記年焉

先師殿五楹東西各五楹雍正五年署縣兩廡事保安縣知縣馬兆登重脩

戟門三楹

檣星門康熙二十七年縣令牟錫元創脩

明倫堂

崇聖祠三楹雍正三年奉旨改啟聖祠為崇聖祠追封孔氏五代王號

肇聖裕聖 詒聖 昌聖 啓聖雍正七年知縣

王名標重脩在聖廟右 名宦祠祀明知縣韓震韓弼

鄉賢祠祀恭議馬懋才

忠孝祠雍正七年知縣王名標創脩祠宇三間春秋

旨旌表忠義孝弟碑在文廟之東祀忠臣郭司南袁

光先孝子王思聰韓景陽何林袁應秋

儒學公署康熙二十五年知縣徐珩重脩

八年知縣王名標借教諭王 施仁創修東邊廊房三間

節孝祠雍正七年知縣王名標創脩祠宇三間在學 氏宋氏劉氏 春秋祭祀木坊一座上書高氏宋氏李

義學 在縣治西康熙六十一年知縣徐珩創修正廳
西兩廊各三間廳三間雍正九年知縣王名標創修東
每年延師訓課
社學 一在西川龍石頭一在北
川李家溝俱各延師訓課

壇壝志

西壇 在城西半里

南壇 在城南半里

北壇 在城北半里

先農壇一座 正房三間配房三間雍正七年知縣王名標創修

藉田四畝九分 在縣治東郊半里雍正七年建置每

先農致祭 歲己亥日縣令以下親行耕藉之禮

關梁志

關口

蘆關

距城一百八十里北控沙漠舊設兵固守今城址尚存在峻嶺之中岡阜之巔環設坑窖別名曰鐵門砦其北門題曰金明咽喉

橋梁

縣西橋

南橋

阿姑橋

在縣北三里砌石削成二橋並峙右廟祀關夫子左廟祀阿姑每四月十五日士女焚香賽禱其下

招安橋

在縣西四十里麓石為之宋狄青築招安寨於橋子谷即此歷元迄今往來便濟順治十六年大水衝毀今止存半面矣

田賦志

田賦

邑原額地土俱係山坡險嶺自古原無頃畝因荒殘清查始有五百二十七頃二十畝零之地額後又疊遭兵火頻罹水旱自順治七年起屢奉題蠲外實

在額地一百三十三頃四十三畝六分二厘五毫實征本色糧七百三十石五斗一升二勺七抄三撮四圭五粒額征折色銀九百四十六兩三錢七分四厘四毫八絲三忽九微二纖玖塵八渺

戶口

邑原額丁六千七百丁自順治七年後疊遭兵火水旱爲災閭邑人民流離四散屢奉題蠲外實在丁七百三十八丁額征丁銀四百三十八兩四錢三厘四毫三絲八忽九微康熙五十五年六十年雍正四年九年四次審出盛世滋生永不加賦丁一十六丁雍正五年三月內奉

旨以糧載丁按糧銀以法科算減去丁銀一百八十一兩二分一厘八毫五忽三微七纖一塵七渺乾隆元年六年二次審出盛世滋生丁八丁奉文加賦銀四兩七錢五分二厘三毫四絲八微乾隆十一年新增丁一十五丁奉文舊減屯更丁銀分作六次攤補復額應抵補銀九兩一錢三分五絲九忽九纖五塵八渺一漠六沙實在丁銀並抵補屯更丁共銀二百七十一兩二錢六分四厘三絲三忽四微二纖四塵一渺一漠六沙遇閏加銀三十兩四分九厘九毫七絲九忽七微二纖七塵一渺額外匠價銀三十八兩一錢一分五厘遇閏加銀三

錢七分五毫查此項銀兩在于敬陳管見事案內攤入民折色糧內征收

里甲

本縣原編二十里明初以地瘠民貧省爲十六里每里十甲每甲以十一戶附之崇禎初年人民已散亡大半迨壬申冬譚寇劫掠據城月餘洪承疇率總兵王承恩等大兵攻陷城垣屠殺十分之九時疫繼之城幾無人崇禎丙子邑令王猷昌奉檄編審里斷甲絕申請歸併僅列爲金庄一里名雖存而民數不數嗣是屢值兵荒一里之中又死逃過半茲見存六甲絕長補短民數物力實不及大邑之一村落矣

鹽畜稅

邑向無茶當課稅所有額征鹽課並加增共額派鹽引一千八張納銀二百五十八兩四分八厘畜稅每年額征一十二兩零房地稅額三兩二錢零緣塞邑士民穴居土處歲難副額當稅自乾隆十四年始于縣城新開一鋪每年納課銀五兩

課程

各色課程銀四兩四錢四分六厘遇閏加銀三錢七分五毫查此項銀兩在于敬陳管見事案內攤入民折色糧內征收

兵制

邑墩臺四十九處今悉頽廢其防禦兵丁名數亦無所考現在外委二員防兵二十一名分防在城招安高家橋白家城下寺灣等處

驛遞

邑額設驢十頭驢夫六名損夫十名久奉裁革額設驛馬四匹馬夫二名康熙四十一年間題明邊塘等事案內撥協邊塘馬二匹馬夫一名在驛僅存馬二匹夫一名雍正年間請更府縣之統攝等事案內新添馬六匹夫三名在驛驛馬八匹夫四名歲支工料銀二百二十四兩係縣經營

物產

穀屬

稷俗名糜米性分抗糯二種抗者炒熟作飯味勝他處糯者可以釀酒粉之可為餽餼
粱即粟穀也
色即輸糧常食全藉此種

麥冬有冬春二種
燕麥其形似麥而小土人製為餅食味甲直省
燕麥麻子炒食味甚香脆

蜀黍俗名稻黍即高粱也

豌豆先種分大者晚成

扁豆豇豆綠豆黑豆種獲最繁

果屬 桃 李 杏 奈 棗 柿 核桃 林檎 梨

西瓜晚熟味甘櫻桃實小味酸

西瓜不熟味苦櫻桃實小味酸

行道傍叢生文官果似蓮味土人取以作油

蔬屬 菘菜 芥菜 韭菜 苦菜 四月發苗其莖潔白長

蔬屬

蔓菁 蘿蔔 南瓜 黃瓜 菜瓜 葫蘆 茄子

葱 蒜 藟蒜 蘑菇 產有數種 百合 人棄之

木屬 松 二分青白栢 距敷政城八十里地名曰小兒廟

木屬

柳 楊 白色榆 槐 椿 木 檉 天油 箸 叢生

著 花屬

花屬

牡丹 寺頗多在白姑芍藥 種分蕃薇 萱草 蜀葵花
山桃 紫荊 月過之芬香撲人 山丹 色赤藥若胭脂五月間山
澁水湄 菊
最蕃艷

藥屬

黃芩 水澁石之 柴胡 近秋黃 大黃 植之 天門冬 山坡
知母 他產天澤無山 黃精 寺產香林 前胡 確石 威靈仙 河產近
益母草 山阜緣河遠志 徧山 刺蒺藜 車前子 道傍
大戟 山查 麻黃 及道傍 牛旁子 苦參 木賊
枸杞子 沙參 精當子 地黃 甘草 款冬花

石屬

雲石 離城三里石 岨下取而磨之 銀精石 產鳳頭山
魚石 距城六十里名曰赤蝦 峪其石赤色土人每每
得燃石 掘得之 鱗甲頭尾宛似魚形有意取之則不可
水族 者近赤蝦石 岨有青色 薪

蛇 蝦蟆 溪潭河湄最廣 魚 水生潭 鯀 溪壑 鱉 山水中
取之

職官志

名宦

明

韓

震

韓

弼

山西人弘治年任勞心撫字加意斯文邑城
 北逼大河暴水為災城垣傾圮震殫力脩築
 審方正位移北衝而縮之度南向而伸之城
 郭以完水患稍息賢哉邑宰入祀已久
 山西蒲縣歲貢嘉靖年任愛民如子勸課農
 桑治壇墳脩文廟利民潔己美難縷述以邑
 城逼邊土基難久遂鳩工改築石砌公焦劬
 二載民不怨而事克集士民至今稱之入祀
 已久

柴國

弼

遼東鐵嶺衛歲貢崇禎年任才長禦侮胸懷
 韜畧深明戰守之法斯時草寇日抵城下公

披堅執銳衝鋒破敵雖城邑人賴保全而勞勩太甚遺疾不起殞命巖城邑人思之公請入祀焉

陳

炳

河南孟津舉人崇禎年任饑饉洊臻道殣相望寇盜充斥公以身任安危濡沫拊循勞來不懈以故孤城獲存且刑計宵為擊柝守禪不吏順治十六年祀名宦

邑令

元

劉秉實

保定路人至正九年任偕達魯花赤脫因教諭蕭允中重脩文廟創立兩廡今石碑尚存

明

趙允中

洪武年任

李寅

臨汾人永樂年任

劉德

洪熙年任

景輝

直隸人宣德年任

夏福

江西舉人正統年任

李恪

山東人正統年任

王敬

山東歲貢景泰年任

徐瑁

贊黃人天順年任

趙璽

大同人成化年任

黃錦 河南舉人 成化年任

楊璿 上蔡歲貢 成化年任

王瑾 成化年任

李權 歲貢 成化年任

王良 河南歲貢 成化年任

張誠 河南歲貢 成化年任

李芳 山東舉人 弘治年任

何應龍 四川舉人 弘治年任

王振 山東舉人 弘治年任

韓震 詳見名宦志

吉人 山西歲貢 弘治年任

李端 河南歲貢 正德年任

張希宗 通許舉人 正德年任

周賜 四川舉人 正德年任 有詩名

蔡環 新安歲貢 嘉靖年任

劉碧 山東歲貢 嘉靖年任

梁昂 山西舉人 嘉靖年任

尹宗吉 四川歲貢 嘉靖年任

郭大經 山西舉人嘉靖年任有詩名

湯瓚 山西尚存歲貢號靜菴嘉靖二十年任今去思碑

張文遴 平谷官生嘉靖年任

韓弼 詳見名宦志

張註 遼東歲貢嘉靖年任

吳道昌 山東歲貢嘉靖年任

郝憲 山西歲貢嘉靖年任

程允中 山東舉人嘉靖年任

王尚賢 山西門樓歲貢嘉靖年任飾堂廡輯廟院創北城

晉廷佐 山西歲貢隆慶年任

宿金 山西舉人隆慶年任

高自治 山西進士號養齋隆慶年任今去思碑見存

胡裕 四川歲貢萬曆年任

林繩武 山東仙窟歲貢萬曆年任書法道勁今遺筆鰲頭

方盡美 直隸歲貢萬曆年任

因柱 曲沃選貢萬曆年任

王之臣 四川選貢萬曆年任

劉倚勃 河南監生萬曆年任

焦尚銘 直隸舉人 萬曆年任

馮履 四川舉人 萬曆年任 清潔名

竇如芝 直隸舉人 萬曆年任

于熿 直隸舉人 萬曆年任

李科 山西選貢 萬曆年任

史秉明 直隸選貢 萬曆年任

馮元亨 山西舉人 萬曆年任

陰象坤 芮城舉人 萬曆年任

任轉 山西貢生 萬曆年任

丁允中

河南隸川衛舉人 字企萬 曆年任 善屬文 重脩文廟 創甃泮池 加意斯文 講論課士 至今噴噴稱之

張房如 直隸大名府 歲貢 天啟年任

尹三聘 直隸歲貢 天啟年任

張如祥 直隸歲貢 天啟年任

趙之庠 四川舉人 天啟年任 機智明敏 決斷如流 時人謂十年不剖之案 公一言而決 陞西路糧餉同知

韓嘉樟 四川舉人 天啟年任 蒞治數月 因病謝歸

詹長策 四川舉人 崇禎年任

陳炳 詳見名宦志

柴國弼 詳見名宦志

孫如蘭 直隸南和歲貢崇禎五年任當創弊之餘力能固守顏墉但性多苛忌人遂側目焉

王猷昌 直隸威縣歲貢崇禎七年任初制項畝迄今遺無疆之感

彭堯昇 湖廣藍山歲貢崇禎九年任慇懃課士淡泊自甘愛民如子温然春風之照物也

朱敏道 山西宗貢崇禎十四年任

皇清

王南金 直隸安肅歲貢順治二年任禮士恤民藹然可親

黃瑤 四川忠州舉人號白雲順治四年任才智明敏遇事敢為適王逆為崇公守城悍敵卒殞

於難邑上難狀贈按察司僉事蔭一子入監以旌節焉

孫大儒 山東萊陽進士字汝為順治七年任公當兵戈之餘招流亡脩廢墜息訟安民讀書課士

一時文教丕振士民至今猶有餘思

郭聯 直隸遷安歲貢號菊壯順治十一年任

張友仲 福建永安副榜貢字侯維順治十三年任隻身蒞治敬士恤民有爭訟犯法者必和解之

適歲試期迫天寒晨興校童場中遺病而亡一僕私竄邑衆憫之醵錢治棺葬之金龍山下立石誌其處

王度 山西安邑舉人號玉山順治十四年任

陳尚謙 山東濟寧舉人順治十六年任夙有顛疾連因拂抑每言神鬼不經之事風雨驟至不避

遂染疾亡

徐鴻祚

江西豐城舉人字山甫順治十七年任學術淵沉氣質溫雅然政尚姑息事多懈弛未暮月抵延郡墜馬卒子嗣榮嗣業扶櫬歸

李暉

順天府大興籍山西翼城舉人字天錫號閣公順治十八年七月十七日到任

張抱

鄭州進士為政仁恕民咸感德值朱逆之變城陷棄職

馬震

鑲紅旗官生歷陞工部員外

牟錫元

遼東監生陞河州牧

姚吉人

山西徐溝舉人卒於任

張起鵬

江南吳縣拔貢卒於任

朱炳詔

福建建陽副榜

栢之著

遼東人丁憂去任

謝旻

江南武進人智識明敏剖決允當歷陞江西巡撫

袁鏗

遼東人丁憂補山東昌邑令

張聖誥

正藍旗監生陞武岡州牧

朱潘

江都進士陞武昌道

張萬璟 貴州舉人行取部內

徐珩 正黃旗人

以上康熙年任

王名標 浙江山陰監生雍正七年任調潼關令

元楷 江西南豐舉人雍正年任

鄒旗 四川涪州籍舉人忠州人乾隆年任

宋日達 浙江慈谿舉人乾隆年任

倪嘉謙 浙江仁和县籍進士江南休寧人乾隆九年七月任

教職

訓導

顏溥 山西馬邑人

王家俊 清水人

任基田 鎮安人增脩文廟課士有方

楊實儒 盩厔人

王有憑 咸陽人

以上順治年任

王畧 岐山人

高賢 邠州人

杜世芳 白水人陞湘鄉縣丞

王嗣曾 莊浪人卒於任

周元勳 山丹衛人告致

劉康猷 畧陽人卒於任

劉奇士 鎮安人告致

趙試元 榆林衛人告致

以上康熙年任

任 璠 咸陽人雍正五年任七年三月奉裁訓導改

教諭

王施仁 韓城舉人雍正七年任

李夢龍 韓城舉人乾隆年任

王儀鑾 寶鷄舉人乾隆八年任

典史

王錫玉 大興人

仇丕極 井陘人

劉文輝 巴陵人

以上順治年任

楊日進 絳州人卒於任

高以宸 宛平人告致

章文昱 宛平人丁憂

周昌榮 山陰人丁憂

姜 珍 山東人告致

楊景儷 武進人陞涇江司巡檢

張宏際 嘉定人告致

以上康熙年任

陸聖祥 濟源人雍正四年任由未滿典吏捐納出身

沈禕祚 浙江山陰人雍正年任卒於任

鄭綸錫 順天大興籍浙江山陰人雍正十三年任丁憂去任

葉 芾 江南泗州籍浙江會稽人乾隆九年任丁憂去任

周國恭 順天大興籍浙江山陰人乾隆十三年任

流寓

唐

杜 甫 天寶末寓廊抵蘆關今有塞盧子詩亦嘗春遊適敷政今花庄牡丹滿邱云子美植

人物志

鄉賢

元

王思聰

家貧少孤力田事母温清不懈其母兩目忽
瞽日夜號泣顧天自代每晨起漱口以舌舐
母目逾數月居左巖下有聲如雷泉湧出
異味清潔聰取浴母目覺寒氣沁腑濯之踰
旬母目豁然復明人謂至孝格天事載孝順
事實內碑刻尚存因名其泉曰敬目祀鄉賢

明

馬懋才

天啓己丑進士任湖廣岳州副使倜儻不群貌
豐髯美聽明機警善屬文下筆千言立就為
諸生時日暝醉歸遙見高門廣屋燈火瑩列
馳至其處二女肅迎延坐中堂命茶留宿公

徵辟

回辭見側碑誌公出處始終公不為意拂衣去之留帶其下歸述其始次日往跡之古墓悽然叢棘中一蒂飄揚後如其言為禮部主事時邑大荒棄子啖草餓莩盈野乃抗疏請賑上准奏遣按臣吳甡帑金十萬給散流離年請於邑活甚多卒於青門知人德之順治九潦草焚餘詩草行八酒令行世

明

郭永道

張毅

以方正學行永樂中初為本縣訓導後官至戶部尚書事詳一統志字弘道為諸生時建里學課鄉子弟朔望集鄉人更考善否勸戒必行一辟不就爰謫其第多由是郡守聞名徵之府知府大治作治

平萬年書上之上曰以盧州之治治天下何有真治世名臣也上方欲大用聞卒於官驚悼不已以清潔稱樞還一無所有

科目

明

宋

王

郭

宋

張文

獻子舉人

永樂庚子舉人官禮部侍郎美姿容

生平未見有喜怒之色鄉論賢之

者樂庚子舉人是有科本邑同雋

任順乙郊亞元姓者今失其名

字獻之弘治己酉舉人任山東黃縣知縣教

不戴膳庭清微開一時號為良吏萬曆中覽志旌其門曰名臣後裔云

宋之禎 福建福州府推官

馬懋才 天啓乙丑進士

郭司南 崇禎庚午舉人任鉅鹿縣知縣天才磊落揮筆成文性尚恢諧不事吟域鄉里稱其孝友

事以自殉國祀名官

皇清

郭指南

順治戊戌進士任廣東電白知縣有詩名著雲岡集江南遊草行世尚有西歸吟等稿嗣刻

梁舟

順治戊戌進士任江南江都縣知縣

梁廷彥

康熙癸巳舉人任南寧令陞宣威州牧

恩蔭

梁世勳

歷任戶部左侍郎

梁景岳

歷任刑部郎中

梁翥鴻

現任刑部郎中

明經

郭憲

弘治年貢山東新城縣簿

宗惟中

任山西徐溝知縣少勉學莊官政平頌理吏畏民安前任四川新都簿祀名宦本省通志列知賢邑令梁君高其行私謚曰貞惠先生以子蒞貴贈奉直大夫

郭東陽 任山西靖
樂知縣
宋 綵 任四川温江縣丞

樊自新 任山西和
順知縣

韓景陽 詳見孝
行志

宋 蒞 任山西應州知州
幼有異志不屑小節
居官屢著賢聲進階奉直大夫

宋 輓 任山西屯留縣丞

何希義 任山西石
樓縣知縣

高秉直 任山西太
原縣知縣
陵州縣知縣皆有美蹟其邑各建
廟下温恭端慤

馬如龍 任山西
祠祀入名宦致政還八里趨廟下温恭端慤

邑人化之訓誠後嗣其子懋才任湖廣副使
懋華應歲薦任商州學正家庭之義方肅然
時稱萬石君邑大饑出粟千石貸之存活甚
衆後人悉感恩償債乃悉焚其券一無所問
鄉人高感
其義焉

楊子廷 任南陽府
通判

程大寶

白時亨

何所見

宋 經

王 謨 始任四川馬湖府司理繼任山東萊州府司
理奉采岳立儀質鳳峙兩任刑名多所平反

未嘗妄治一獄妄市一物罷官
歸風清載道洵為士林之望
韓蛟任山善楷書今石刻尚多遺筆

郝永祥任山東

宗一徵任徐州判同知幼有文名弱冠入仕矢志清潔

李桐任隴川儀以非道犯之和煦喜怒不形人我借適人或

張耀任壽知縣榮

陳廷弼任城縣丞朝

高可登任山西陽曲丞陞

宋演任湖廣長

宋洽授通判

韓希孔正志見方

郭汝礪貢事見方申恩選

高我先任四川溫江知縣果毅有為利民潔已邑人

程九南任山東冠縣丞

表光字

李儲精任山西

李儲精代州判

袁光先 任河南滎陽訓導平生剛毅有為訓滎士也
爾雅深醇時稱有豪傑風及賊犯滎調度守
城身當東北一面英石火砲多傷賊衆逮力
不支城陷鼓刀月賊遂自刎士民惜之上難
狀奉旨建坊御祭
祀名宦列河南志

岳文耀

王夢易 任上海縣教諭

韓承命 任雞澤訓導

宋 譔 任乾州訓導

潘 宰 任河南開封府訓導

何永澄 任山東判

李國華

白 昌

張含淳

皇清

閔 樸 任湖廣興國州判

張煥然

何獻祥 任通州判

宋禧昌 任山東淄川府教授

馬懋華 任鄆州學正

宋天植 任浙江孝豐縣丞

高見 任咸陽訓導

郝麟生 任浙江義烏縣

劉明鼎 隱居

王際亨 任鞏昌府

張學孔 任西安府

張習孔

宋天培

宋麟趾

馬懋榮

任大業 以上順治

郭文顯 康熙二年

拓光基 貢

韓一識 歲貢 任靈

梁景岱 捐 任西

魏京 授 任江

劉為鎮 貢

宋麟圖 恩貢 任咸

馬 駟 歲貢 訓導 真

馬 駟 歲貢

白 會 京 歲貢

張 淑 卞 歲貢

武 望 歲貢 訓導 平

宋 珮 縣拔 教諭 任 鄆

樊 好 禮 歲貢 訓導 城

陳 漢 白 歲貢

韓 蘓 水 歲貢 訓導 三

程 繼 孔 南 歲貢 訓導 洛

岳 鳳 鳴 歲貢

雲 喬 歲貢

宗 桂 歲貢

張 希 程 歲貢

馬 壯 吉 歲貢

樊 汝 翼 歲貢

宋 朝 擢 歲貢

李 贇 縣 歲貢 訓導 蒲 城

王儼

貢歲

白崇雅

貢歲

魏文炳

歲貢

任同官
訓導

高尚志

貢歲

宋天霖

貢歲

高擢

貢歲

白 坤

歲貢

以上
康熙年貢

李建泰

貢恩

張方載

貢拔

李天福

貢歲

郭 解

西歲

現任
隴
縣訓導

韓 升

貢歲

宋長治

貢歲

張爾秀

貢歲

張程九

歲貢

現任
紫
縣訓導

郭 紳

貢歲

張 度

貢歲

高恭南

貢歲

楊 楙 貞歲

馬 惠吉 貞歲

高 俊 貞歲

宋 汝翰 貞歲

郭 又光 貞歲

宋 鈞 貞歲

守將

漢

馬 超 或云年十八坐青州即此今故址尚存有一洞曰馬超洞懸崖高聳深不可測五六月間

涼風逼人

宋

狄 青 慶曆元年冬龐籍知延州時青為裨將領命築招安砦於橋子谷傍以禦夏人今城垣屹

然

寓將

明

高 傑 青澗人以軍功任延安營參將

將才

漢

呂布
故里在艾蒿嶺距城七十五里
時既久遠所遺土窖尚存

明

樊應元
家貧落魄居去城十五里
偶晚歸一星墜懷
抵家遺疾數月身驟長一丈
每食斗米成化
中詔入投錦
衣衛千戶

皇清

梁大用
江南湖州府
都督僉事
兵部督同知調補

郝國選
江西南贛鎮標左營
總兵
道擊

梁加琦
四川總兵
督

塔新策
貴州總兵
督

羅岱
隨征總
兵官

楊武

武科

岳崑

例監

宋濤
天啓
年貢

趙宗琦
任山東
海州同

高國柱
候銓

李世芳
吏目

白訓

高錦

白誌

白玉彩

白註

白綱

馬載圖

周簞簞

白銓

石之珍

郭世榮

郭印光

王錦

張爾俸

王緯

何出圖

郭希賢

白光彩

李桐

云作霖

白子睿

王敬

郭永畿

孝行

元

王思聰
事見鄉賢志

明

韓景陽

幼以孝名既長眷戀膝下頃刻不違晨昏定省天性純篤任順天府照磨慘憺庭闈一日望雲心切情見乎辭曰祿輕五斗官情薄身遠雙親歸計濃翌日稱病謝事掛冠歸里娛親盡孝其父母相繼以天終廬墓泣血哀親骨立端以燕山稿和以處衆誘進後學每多

何林

家貧賣薪事母值荒為傭得錢務求悅口者
供母或稍慰之及母卒負土營墳
饑卧未竟行人過之見多不負林驚寤我然
叱曰林何倩人築墳眾忽不見

袁應秋

成墳蓋神助也今名築墳臺離城
三里鄉人立孝子碑今現存
貧不能自立每為傭所得直自奉母外悉周
濟顛連者其母得不起疾日夜號泣願以身
代及母疾愈乃負母共朝武當山往返不憚
勞瘁始終致孝閣色感之為碑以誌其孝其
辭曰傭工飯僧似分喂之脈云云
戴母朝工有同卧水之苦云云

方正逸行

明

韓希孔

平生個儻彈力勤學性至孝強仕時貢成均
以母老不願仕既終喪或勸之任授湖廣辰

郭汝礪

州幕大材小就遂懷帳過洞庭偶疾是夜夢
金衣神人錫衰冕曰爾孝友正直命爾治鄉
兵事後三日端坐而逝時同里在蜀中亦夢
與此同子承熟詔共觀歸邑遣值兵變城將陷
其夕家人當存沒者一皆驗生平善誘後學
事及言行當存沒者一皆驗生平善誘後學
以文行通存沒者一皆驗生平善誘後學
籍者最衆
負性耿介動履不苟築室天澤山吟其間
五經咸通尤熟易詩書當曰三大經吾家常飯
何可刺志邑宰聞名折簡敦請夷然弗就時
人稱曰閑戶先生在山東濰縣薄介性不阿
遂忤當路謝事歸復入晉陽試得而復失遂
絕意仕進卜居青門從學者日多教姪郭司
南領鄉薦子郭指南成進士門人任者最
致好學老而不倦年七十飄然長往後有遇
之華山者詢而不答

明

高

氏

宋道魁強劫之冠橫發氏自鄉入城以避暴鋒
宋道魁強劫之冠橫發氏自鄉入城以避暴鋒
宋道魁強劫之冠橫發氏自鄉入城以避暴鋒

郝

氏

邑人義之不能免罵不絕口遂陞崕而外死
邑人義之不能免罵不絕口遂陞崕而外死
邑人義之不能免罵不絕口遂陞崕而外死

皇清

高

氏

生員馬應龍妻年甫二十夫亡生長男二歲
生員馬應龍妻年甫二十夫亡生長男二歲
生員馬應龍妻年甫二十夫亡生長男二歲

宋

氏

奉建坊旌表何繼秀妻未笄以孝名父得不起疾思
奉建坊旌表何繼秀妻未笄以孝名父得不起疾思
奉建坊旌表何繼秀妻未笄以孝名父得不起疾思

宋

氏

貢生馬貞吉之妻十八適夫夫沒時二十七
貢生馬貞吉之妻十八適夫夫沒時二十七
貢生馬貞吉之妻十八適夫夫沒時二十七

宋

氏

生員馬選吉之妻年二十九歲夫亡子幼氏
生員馬選吉之妻年二十九歲夫亡子幼氏
生員馬選吉之妻年二十九歲夫亡子幼氏

李

氏

里民張大美之妻氏賦性貞潔通夫甫四載夫亡在外人有勸其改節者氏斷髮毀面以

劉

氏

里民馮友康之妻年十六適夫其夫早亡上事壘白之姑下撫弱齡之子茹荼飲水奉姑

王

氏

邑民李天保之妻十五適夫二十八夫亡遺子年幼二親相繼而亡氏喪葬盡哀盡禮撫

拓

氏

生員韓世勳之妻十五適夫二十三夫亡事翁姑撫幼子極盡孝慈歷盡艱辛矢志彌堅

乾隆十四年旌表

災異志

明

萬曆十年境內飛蝗蔽野民大饑

二十七年大水由西川發衝蕩村落淹沒人民抵邑

南門

崇禎元年夏旱狂風大作稿苗因風拔盡秋無獲民

刈蓬蒿而食是年盜起

五年大荒斗米八錢民始掘草根柳葉樹皮繼搗石

啖之腹墜而亡人相殘食僵屍遍野鋒鏑子遺又

七十之九矣

十六年桃李冬花

皇清

順治五年赤風竟日屋瓦皆飛

六年雨土王逆作祟

八年雨豆

十五年地震有聲

十六年民間驢字駒駒腹中復有駒是年大水西北

兩川同日而發北水尤大衝城北門二扇半里許

蕩村覆屋南關淹沒多人斯災也北水夾岷漲溢

距城十五里有順惠王廟當河流之中廟宇墻垣

侍衛香臺悉波逝其神屹然獨存丹綠燦耀泥污

罔即

十八年天鼓鳴於西北

康熙元年天鼓鳴聲如雷震屋宇皆動

六十年大旱通邑顆粒無收斗米千錢餓莩枕藉於

道賣鬻男女邑民散亡大半

藝文志

奏疏

行人司行人臣馬懋才謹

奏爲備陳實見異常災變以祈

聖鑒事臣陝西安塞縣人也中天啟五年進士備員

行人初差關外解賞再差貴州典試三差湖廣

頒詔奔馳四載往還數萬餘里其間如關門當柳河

之敗黔南當圍困之餘人民奔竄景象彫殘皆

臣所經見然未有極苦楚極慘傷如臣所見臣

鄉之災異者臣接邸報見諸臣具疏有言父棄其子夫鬻其妻者有言掘草根以飼馬採白石以充饑者猶未詳言其甚也而今且如何臣請得詳悉爲

皇上言之臣差事竣道經臣鄉延安府自去年一年無雨草木枯焦八九月間民爭採山間蓬草而食其粒類糠皮其味苦而澁食之僅可延以不死至十月以後而蓬盡矣則剥樹皮而食諸樹惟榆樹差善雜他樹皮以爲食亦可稍緩其死

殆年終而樹皮又盡矣則又掘山中石塊而食其石名曰青葉味腥而膩少食輒飽不數日則腹脹下墜而死民有甘於食石以死者始相聚爲盜而一二稍有積貯之民遂爲所劫而搶掠無遺矣有司亦不能禁治間有獲者亦恬不知畏且曰死於饑與死於盜等耳與其坐而饑死何若爲盜而死猶得爲飽死鬼也最可憫者如安塞城西有糞場一處每晨必棄三四嬰兒於其中有涕泣者有叫號者有呼其父母者有食

其糞土者至次晨則所棄之子已無一生而又有
棄之者矣更可異者童穉輩及獨行者一出城
外更無踪影後見門外之人炊人骨以爲薪煮
人肉以爲食始知前之人皆爲其所食而食人
之人亦不數日面目赤腫內發燥熱而死矣於
是死者枕藉臭氣薰天縣城外掘數坑每坑可
容數百人用以掩其遺骸臣來之時已滿三坑
有餘而數里以外不及掩者又不知其幾矣小
縣如此大縣可知一處如此他處可知幸有撫

臣岳和聲拮据獨苦以彌盜而兼之拯救捐俸
煮粥以爲之率而道府州縣各有所施以拯濟
然粥有限而饑者無窮杯水車薪其何能濟乎
臣仰窺

皇上宵衣旰食無念不爲民生慮無刻不爲安民計
若不急救此一方遺黎恐死者死矣爲盜者爲
盜矣見有之民旦夕莫必其命西北疆域幾成
無人之區矣伏乞

勅下該部從長計議或發賑濟或蠲加派或姑減其

分數或緩待之秋成惟在

皇上急爲渙汗耳然臣猶有說者

國初每十戶編爲一甲十甲編爲一里今之里甲寥
落戶口蕭條已不復如其初矣况當九死一生
之際即不蠲不減民亦有呼之而不應者官司
束于

功令之嚴不得不嚴爲催科如一戶只有一二人勢
必令此一二人而賠一戶之錢糧一甲只有一
二戶勢必令此一二戶而賠一甲之錢糧等而

上之一里一縣無不皆然則見在之民止有抱
恨而逃飄流異地棲泊無依恒產既亡懷資易
盡夢斷鄉關之路魂消溝壑之填又安得不相
率而爲盜者乎此處逃之於彼彼處復逃之於
此轉相逃則轉相爲盜此盜之所以遍秦中也
臣目覩此光景心幾痛裂知

皇上亦必惻然動念當事諸臣自有碩畫然蚤一日
則救數千萬之生靈遲一日則斃數千萬之性
命惟

皇上速加之意也。大抵總秦地而言，慶陽、延安以北，饑荒至十分之極，而盜賊則稍次之；西安、漢中以下，盜賊至十分之極，而饑荒則稍次之。緣係異常災變，從來所未經見者，不敢不據實以聞。伏乞

皇上睿覽施行。臣不勝激切戰悚之至。崇禎二年四月初七日奉

聖旨覽奏。延慶等府饑荒情狀，朕心惻然，應議蠲賑減緩。該部作速從長計覆預備倉穀救荒首務地。

方官平日留心，何至束手無策。本境寬恤事宜，一併申飭行該部知道。

禮部祠祭清吏司員外郎臣馬懋才謹題為嚴邑橫被屠掠，子遺勢將垂盡，謹陳盜賊根因，並擬拯救實著仰祈

聖明垂鑒。事：臣邸報見按臣吳甡有安塞復報攻剋一疏，內言安塞被土人野同進勾賊譚雄將城攻開等情。臣籍安塞，臣弟懋學等亦被賊虜去家破人離。臣悲憤填膺，不得不控告於

君父之前矣安塞四載饑荒死亡大半止有城中士紳並一二稍可餬口之家斃斃朝不保暮自知縣柴國弼以拮据多方積勞病故而經歷胡崇猷代庖縣治向者撫良禦暴之法盡廢弛矣遂致野同進勾賊內應破城殺掠賊首譚雄者奮不聞其有此名也據疏止稱邊賊不知其爲老柴獨虎與點燈劉六等之黨與否亦不知其寧塞神一魁之徒類否臣竊料縣北八十里地名譚家營譚雄或即此處之土賊不然何勾引內

應者即譚家世親爲野同進耶同進夙號神姦曾爲收頭尅扣錢糧克軍脫免每從大盜中入而復出者數四而人亦習以爲常不之問也本縣自縣城五里而外俱爲饑民即俱化爲盜賊有同進以爲之招有譚雄以爲之率一呼而數千人嚮應又何有於彈丸一瘠邑乎督撫道將屯集寧塞日以圍困神賊爲事誠不意其突有此變而延地大雪凍阻糴糶之路不通續命之膏已斷恐安塞破後定清長綏之間有繼安塞

而發難者府城亦難獨保府城不保則鎮靖清
平榆林一帶動搖饑軍饑民相煽爲亂事將不
可知也夫殘破者殘破矣殺掠者殺掠矣其殘
破殺掠之所餘者可聽其一時俱盡乎向者
皇上已慨發賑金十萬

天恩非不浩蕩也而延民牛具俱盡籽粒全無所頒
金錢止可緩須臾之死安能爲長久之計保其
一足永足而不生變亂乎臣爲之畫一策於此
可一難而永易一勞而永逸者必再需十數萬

金錢以爲牛種之資令撫按稽覈於上守令督
理於下盡驅其現在之民以畢力於農畝夫且
定爲經制著爲工程以言其人則城中現在者
可歷歷數也以言其地則城外荒廢者不知其
幾也地有餘而人有數可一一計畝而受也如
某里共若干人可耕若干地須用牛具若干籽
粒若干可一一按戶而給也每里擇其民之稍
有行簡者爲之首如領一畝之費必驗耕一畝
之田領百畝之費必驗耕百畝之田而遊惰之

民有懲處焉混冒之民有罰治焉可一一俟日
而稽焉彼爲守令者既無徵收之錢糧又無斷
理之詞訟何如就以此爲政事而督其興作撫
按亦就以此爲公令而課其殿最乎則民既以
有所資而延其喘又以有所事而緝其思必不
至勾引內應而開門延盜堅壁清野又何患盜
之不坐困而思解散又何患盜之不自危而思
逸亡乎然後協力擊勦以逸待勞盜自潛踪不
一年而復遘清寧景象矣至於殘破之地需賑
更急撫按諸臣自能及時設處以定驚魂以延
餘息不待再計也殘破之地需正官更急選此
地者如生入鬼門無論精神與形氣俱就消亡
即有長才誰能朽腹而理即有廉吏誰能携貲
以存自非立定一不次之擢未有能鼓其意向
而得其成效也是在

皇上加之意耳臣向爲行人時於崇禎二年四月內
曾具備陳實見異常災變以祈

聖覽一疏因言催科之不善民將呼之不應而必且

相聚爲盜勢將遍秦中不可撲滅者幸蒙

聖明動念奉

旨覽奏延慶等府饑荒情狀朕心惻然應議蠲賑減
緩該部從長計覆預備倉穀救荒首務地方官
平日留心何至束手無策本境寬恤軍宜一併
申飭行該部知道欽此使當時奉行諸臣仰體
聖念蚤爲之計何至有今日而使臣不幸而言之中
哉臣家業既已消散骨肉既已淪亡臣痛憤於
衷披血瀝丹非爲臣一家計也故不禁言之媿

媿字涉冗長伏乞

皇上寬宥省覽施行臣何勝戰慄悚息激切待
命之至崇禎四年十二月初四日具初九日奉
聖旨安塞失事情形該撫按遵旨詳查速奏據稱秦
賊日久愈熾饑民更多協從地方官全無勦禦撫
按所職何事著吳姓查議奏來有司實心字民自
能設法勸耕保聚安業豈得專事賑給該部知道

雜著

萬壽寺

邑令周賜
四川舉人

琢就雲根半壁開，四圍風景類蓬萊。
延河逝水黃河合，南寺鐘聲北寺迴。
洞戶有天懸日月，禪關無地著塵埃。
遙遙邊塞聞山祝，欲跨飛鳧謁上台。

遊雲臺觀回憇萬壽寺

相世芳
河東

萬壽開山古羣峰，接引遙禪房。
長日月佛閣上雲霄，路啓緘。
騰覺經翻貝葉飄，登臨多樂事。
况復遇花朝。

寶山寺看牡丹分韻

邑人馬懋才
乙丑進士

紫艷曾聞貯魏家，而今移種向天涯。
給孤園裏風光好，疑是談經口吐花。

九日遊雲臺觀偕友醉飲

邑令孫大儒
乙丑進士

孤峰特出亂山圍，峭拂天風曙色飛。
九月霜嚴豺虎淨，三秋陽曝菊花肥。
靈北嶽屏延鎮水，注西川繞塞畿。
此日登臨爭健足，絳囊不繫醉翁衣。

和孫父母九日登高韻

全明趙廷錫
辛丑進士

翠巘環屏列錦圍，登臨縱目白雲飛。
楓林葉落黃花瘦，塞磧沙明白雁肥。
醉咏木蘭穿鳥道，閒披蘿薜認臺畿。
年年莫負龍山會，留得茱萸繫綵衣。

雲間寺讀書

勒轡訪幽徑山深野路迷踏水凌古磴印雪過清溪
寺遠聞經語天空聽鳥啼高僧來接引得遂白雲棲

古意

邑人郭汝礪
泰昌恩貢

辱與貴同至賤為福所環君看車輪推多在太行間
日月有出後海潮有往還奈何名利心擾擾不如閒
李斯受五刑沅溪空潺湲同時四老人歌聲滿商山

和孫明府九日登雲臺觀韻

邑人韓甲京
文學

山城高聳水重圍龍首秋雲木葉飛共說霜天鷹眼
疾却思江上蟹螯肥茱萸共佩瞻楓陛籬菊將開遍

海畿此日山頭入盡醉嵐光欲繫使君衣

和王普雲間寺韻

邑人馬駟歲貢

訪道參龍象雲深望轉迷蒼松遮遠徑皓月滿清溪
雲共天花落風傳谷鳥啼塵氛都不染長此結幽棲

和菊莊郭明府春日遊萬壽寺韻

邑人韓一識
歲貢

祇官壯麗出城隈曾是蓬瀛跨海來清映長河浮月界
雄蟠峻嶺結香臺雲移鉢影分金粟風驟鈴音響綠
槐覽勝始知身世幻更無生滅慧心開

遊龍頭觀

東風吹柳帶輕寒
聯步高峰古徑跚
危磴俯空疑虎踞
竒松倚磔似龍蟠
門含雲氣閑河溢
座繞爐煙法界寬
到此已空塵世想
不須方外覓金丹

東山寺感興

漫上東峯覽舊疆
山空水逝嘆荒涼
兩川勝氣唯沙磧
萬戶雲煙只鹿場
漠漠桑田供戰伐
勞勞生聚聽流亡
縱然司牧多良算
點石無成終自忙

感懷

邑人郭指南
戊戌進士

半百為官亦未老
三年愁病厭紛煩
山猿肯受衣冠

繫野鶴寧知軒冕尊
海國炎涼遠節序殊
方飲啄異中原
故園百畝蓬蒿遍
歸去仍看稻麥蕃

夜坐

老樹風聲入當夜急
高天星斗更分明
轟轟潮響來孤幌
唧唧蟲鳴傍短檠
半世詩書空躑躅
一生意氣任縱橫
臣心自矢真如水
踈放何傷吏隱名